

تهزين المهدي يا حيف واثاري هالمهدي خالي
اسمع حيره اتكولين بعدك ضاعت آمالي

تعلين النعي والصوت وياهو النحبتي يسمع
تهزين المهدي بونين وتظنين الولد يرجع
تكضين المساء بالنوح ورمش ما بعد يهجع

حضنتي افراشه بالزفرات وصبغتي اغماطه بالدمعات رضيعي بعده حي ما مات

إذا اصفن أشوفه وياي بالنظرات يبري لي

أبد لا حد يخبرني رضيعي منكقطع راسه
ولا منكم أبد اسمع صغيري انخدمت انفاسه
ولا اتعزوني عن صدره وعن الخيل الذي داسه

رضيعي امن العطش غافي احط اشفاهه بشفافي واحضنه بحضني الدافي

إذا ما يرتوي بلفرات يروي كلبه دلالي

دجيبوا لي الرضيع الساع اريد اتسامر بنوحي
ولا تـكـولوا سهم نحره ابد ميعوف مذبوحي
أمشي اعليكم الزهرا أعالج نحره بجروحي

اگضي هالمسا وياه اداوي حسرتي والآه احنن يمني بيمناه

عسى بطول المسا يصحى ويرد ويرحم بحالي

ولا اتكـلوا لي عن راسه على سمر الرماح يسيح
أخافن يوگـع بلرمال راسه من تهب الريح
حسافه وياهي تتحمل تشوف الهامه لما اتطيح

صغير وعمره ست اشهور على صدر الأبو منحور يلبته ما لفي عاشور

أخذ مني العزيز أوياه وضع صفوة ارجالي

الك حنيت عبدالله ومثلي فاگده وثكله
أصد لك لكن بيا عين وراسك يمي اتعله
أثاري مهدك المحروگ من ليلي أخذ شكله

أسافر بعدك بعجفه وناري ما بعد تطفه ألف وسفه ألف وسفه

إذا ضليت عالتربان ورسمك ساكن أخياي

على صدر الولي مذبوح ولا منك عضو سالم
رضيع وداستك لخيول يا حسرة بني هاشم
شجنيته ياعزيز الروح حتى اتذبحك الوادم

أبد ما هي بشر هالناس بلا رحمه وبلا إحساس تجرعني الألم چم كاس

وتخليني بعد فركاگ ثوب الوجع سربالي